

Cossigak Gladio justifikatu zuen hitzaldi batean

ERROMA

Francesco Cossiga Italiako lehendakariak justifikatu egin du Gladioren esistentzia, erakundearen «zuzentasun instituzionala» eta «patriotismoa» defendatuz. NATO erakunde militarrek eratutako Gladio sare klandestinoaren afera Italian azaleratu zen azaroan. Komunistak ezik, herrialde honetako beste alderdietako buruzagi asko ere nahastuta ageri dira.

Polizia koartel bateko karabineroen aurrean egindako hitzaldi batean, errepublikako lehendakariak Gladioko partaideak goraipatu zituen, «benetako patriotak» zirela eta. Konstituzioak aberria defendatu behar dela dioela gogorazi zuen lehendakariak.

Cossigaren arabera, berak 1966an jakin zuen sare sekretuaren berri, gerra hotzaren garaian. «Kanpoko etsaiaren kontra egiteko sortu zen Gladio», esan zuen Francesco Cossigak.

Altxamendua amaitu ondoren Bush heldu zen atzo Buenos Airesera

Seineldinek bere gain hartu du altxamenduaren erantzunkizun osoa

Argentinako koarteleko matxinada amaitu zela bi egun betetzeke, George Bush Buenos Aires-era heldu zen atzo. Estatu Batuetako lehendakaria heldu baino lehenago, erreboltagatik ezarritako larritasun egoera altxatu egin zuten agintariek.

BUENOS AIRES

Astelehenean, Bush lehendakariak Latinamerikan zehar bidaia hasi zuen, lehenik Brasil eta gero Uruguayan. Bi tokietan ezkerreko taldeen protestak entzun behar izan ditu Bush, batez ere Golkoko krisian Estatu Batuek hartu duten jarraitzearen erlazioen ingurukoak.

Herrialde hauetan, berak defendatzen duen «Ameriketako Iniziativa» esplikatu die Brasil eta Uruguayko agintariei. Ipar eta Hego Amerikako merkatuak bat egiteko proposamena da hori. Hego Ameri-

kan, Argentina, Brasil, Paraguay eta Uruguayren artean hasi dira merkatu amankomun bat antolatzen dagoeneko, Mercosur delakoa.

Argentinan ere bisitaren ardatza ekonomikoa izango da, eta 1988tik itxita dauden kredituak berriro irekitzea erabaki dezake Estatu Batuetako administrazioak. Golkoko krisia ere eztabaidagai izango da, Argentinak ere gerrauntziak bidali bait ditu Ekialde Erdira. Krisian inplikatu den Latinamerikako gobernu bakarra Carlos Menem-ena da.

**OFIZIAL ETA
ZIBILEN
ATXILOKETA**

Matxinadari dago-kionez, epaitegi militarrei epaiketa sumarisimoak egiteko baimena eman die dagoeneko Carlos Menem lehendakariak, «erreboltagen ekintza aztertu eta juzkatzeko bake denboran». Zuzenbide militarrean, erreboltagen heriotz zigorra dagokio Argentinan, eta berau aplikatzeko prest segitzen du Menemek. Guztira, 266 ofizial erreboltagen atxilotu dituzte tropa leialak, eta baita ere matxinadan lagundu

✓ **Argentinari 1988an itxi ziren kredituak berriro irekitzea erabaki dezake Estatu Batuetako administrazioak.**

zuten hamazortzi zibil. Aldi berean, gartzelan dagoen Mohamed Ali Seineldin koronelak hartu du bere gain altxamenduaren erantzunkizun osoa, esan zuen atzo Humberto Romero Defentsa ministro argentinarrak. Seineldin Buenos Airesetik 1.700 kilometrora dagoen gartzela militar batean daukate preso, urrian matxinada deia eginez gutun bat zuelako Argentinako armadak.

Carapintada edo mutur margo-tuen aurreko altxamenduen erantzule nagusia Seineldin bera izan zen. 1988ko abenduaren 2an, azkenekoa baino bi urte lehenago koronel berak eman zuen beste kolpe bat.

LABURREAN

DEBY generala da Tchad-eko lehendakari berria

Hauteskunde demokratikoak egin arte, Idriss Deby generalak bere burua izendatu du Tchad-eko lehendakari berriak. Aste honen hasieran, bere armada erreboltagen indarrak N'Djamena hiriburuan sartu zirenean, lehendakari izateko asmorik ez zuela esan zuen Deby, baina atzera egin du orain horretan. Idriss Deby ekainean hasi zuen bere borroka Tchad ekialdean, baina azken hiru asteetan lastu egin da ●

SPD barruan krisia ireki da bozketen ondoren

Oskar Lafontaine-k ez du onartu Alemaniako Alderdi Sozialdemokrataren (SPD) lehendakari izateko, alderdian bertan ez duelako lortu berak espero bezala bere Legebiltzarrean ere ez da izango talde sozialdemokrataren buru, esplikatu duenez nekatuta dagoelako hauteskunde kanpainako esfortzuarekin. Lafontainearen ezetzak kritika latzak jaso ditu alderdi barnean, artean Willy Brandt kantziler ohiarena ●

GUATEMALAKO sarraskiaren tokitik armada ken dezakete

Guatemalako Gobernuak armada kendu egin dezake Santiago Atitlan herritik, soldaduek astelehenean hamabi indiar hil zituzten tokitik. Neurria Guatemalako gobernuak estudiantu du baina oraingoz ez du praktikan ipini. Armada joan dadin eskualde hartako bizilagunek egin dute, baina «azkarregi eginiko eskaera da», Carlos Morales Gobernazio ministroaren ustez. Santiago Atitlaneko sarraskian armatu gabeko indiarren kontra tiro egitean hil zituzten indigenak soldaduek ●



TYMINSKIK aurrera segitzen du Poloniako lehendakari zarako hauteskundeetako kanpainan, nahiz eta sondeoak kontra dituen. Inkestek gero eta argiago uzten ari dira, Lech Walesa izan daitekeela garaile igande honetako bozketan. Azken inkestek arabera, botuen %60a izan dezake Lech Walesak eta %20a bakarrik Stanislaw Tyminskik. Solidarnosc-eko sindikalistak lehen itzulian estai izan zuen Tadeusz Mazowieckiren aldeko botua izango du. Lehen itzuli hartan Tyminskik suposatzen izan zuen sopesa itzaltzen ari da pixkanaka. Hala ere, Canadian eta Perun aberastu izan den enpresari honek galdutako gero, alderdi politiko bat sortuko duela iragarri du, oposizioetik lanean segitzeko.

**EUSKERAZ BIZKAIKO
IRRATI BAKARRA !**